

B94
223
:2

民國佛教期刊文獻集成補編

任繼愈題

第 2 卷



佛學旬刊
佛學匯刊
宏化特刊
班禪東來記

中國書店

民國十四年七月十八日出版

訂報價目
零售每冊銅元三十文
一月三冊銅元九十五文
半年十八冊銅元五百文
全年三十六冊銅元一千文
郵費國內每冊一分
國外每冊二分

佛法非宗教非哲學一書，是歐陽竟無先生在南京高師哲學研究會演說的。乃最近佛法中最有價值的一篇著述。爲研究佛學哲學的、不可不看的書！每本取工本洋五仙、省外加郵費一仙、

中華郵政特准掛號認爲新聞紙類

第 二 年 第 十 四 期

佛 學 旬 刊

佛歷二九四九年七月十八日出版
中華民國十一年九月

訂 報 價 目

零售每冊銅元三十文
一月三冊銅元九十文
半年十八冊銅元五百文
全年三十六冊銅元一千文
郵費 國內每冊一分
國外每冊二分

佛 法 非 宗 教 非 哲 學 出 版

佛法非宗教非哲學一書、是歐陽竟無先生在南京高師哲學研究會演說的。乃最近佛法中最有價值的一篇著述。爲研究佛學哲學的、不可不看的書！每本取工本洋五仙、省外加郵費一仙、

公園佛經流通處啓

佛學旬刊第一一年第十四期要目

▲論說

佛學之宗派(天台宗一)

聖譯

▲新聞

安慶講演地藏經
長壽縣佛社成立
說法堂報名踴躍
講楞嚴緩期旬日
設孟蘭超度忠魂

▲名賢言行

蓮池大師

▲藝林

順德張鳳篋先生行狀
支那內學院緣起

劉復禮

佛乘宗要論出版

妙聞
喜法
大雲
一心
一心

佛乘宗要論。太虛法師應庚申講經會之請而說。胡純支居士爲之記。其書凡十四章七十二節都一萬餘言。義宗契經。語隨今學。爲新世紀佛法中最有價值之論。研究佛學者不可不讀之書。現由本處翻印多部。每冊定價生洋二角。出書無多。購者從速。

佛說
經法
流通
處堂

楞嚴經

(講師)劉洙源先生
(期間)七月廿七日起
(時間)每逢星期一
五等日午後四
鐘起六鐘止
(報名處)本處經坊
(征費)徵茶水紙張費
銀五角

論說

▲佛學之宗派

【五】天台宗 一名法華宗

續第十二期

聖譯

天台宗者。依智者大師所棲之山得名。此宗以法華經爲骨幹。以智度論爲指歸。以涅槃經爲扶疏。以大品經爲觀法。引諸經以增信。引諸論以助成。觀心爲經。諸法爲緯。其大較也。

先是北齊慧文大師。讀龍樹菩薩中論偈云。因緣所生法。我說即是空。亦名爲假名。亦名中道義。遂悟入三觀的旨趣。二觀者。空觀順真諦。假觀順俗諦。中觀順第一義諦。或用次第二觀。從假入空。從空入假。從空假入中道。或用通相三觀。一空一切空。假中皆空。一假一切假。空中皆假。一中一切中。空假皆中。或用一心三觀。如蘊妄之一念。此念絕相無相。即是空。此念三千宛有。即是假。此念絕待不二。即是中。一念心中。三觀具足。此三種觀法。後後勝於前前。師獨得這個妙理。以授南岳慧思

禪師。禪師解行高明。根識清淨。證十信鐵輪位。傳之天台智者。而其道大顯。

師本名智顗。隋帝尊爲智者大師。牛荊州華容陳氏。十八出家。復詣光州大蘇山慧思禪師。受業心觀。思每歎曰。昔在靈山。同聽法華。宿緣所追。今復來矣。卽示普賢道場。爲說四安樂行。師入觀三七日。誦法華經。至華王品曰。是真精進。是真法供養如來。於是獲法華三昧。得旋陀羅尼。見靈山一會。儼然未散。宿通潛發。以所證白思。思曰。非爾弗感。非我莫識。此法華三昧前方便也。師觀解圓明。位登五品。以視慧文南岳。僅具雛型。師則廣立教時。宏宣奧義。此宗盛興。巍然稱首。

師的著述。由一法華說爲三部。三部者。一立義以判教相。二文句以解名義。三止觀以示觀行。就是台宗的三大部。又有觀音玄義。觀音疏。觀經疏。光明玄義。光明文句。就是台宗的五小部。屏轉演暢。不暇繁述。此宗雖旁及其他的經典。而正宗是法華經。故名法華宗。師久住天台山國清寺。故又名天台宗。可謂地以人傳了。

智者以後。次有章安灌頂。承天台教觀。廣爲傳播。天台唯散說。章安悉結集。以成一家的典籍。章安後。經法華智威。天宮慧威。左溪玄朗三師。方至荆溪湛然。荆溪崛

起中唐。作釋籤疏記輔行。如次第以釋三部。又撰金義銓例諸書。排他邪解。斯時慈恩賢首禪宗之徒。各張旗鼓。天台遺緒。幾大式微。若荆溪不出。台宗之存亡。未可知也。

自荆溪八傳。至四明知禮。因唐末及五代。喪亂相尋。諸宗頹廢。台宗亦垂絕。於是作指要妙宗諸書。號爲中興之祖。而天台始分山家山外二支。山家者。四明所傳。以妄心爲觀境。及事造三子者是也。山外者。始於慈光悟恩。以真如爲觀境。及不許事造三千者是也。其稱山外者。四明一派貶斥之名詞。四明既顯揚山家之正宗。而受之者廣智神照南屏等。源源弗絕。山外雖有仁岳及從義寺。一時尤微。不久消沉。至今已無汲其流者矣。

問曰。此宗以五時八教。判釋東流一代聖教。罄無不盡。分晰半滿權實。最爲精當。其梗概可得臨乎。答者。可。

五時者。

一 華嚴時。正說圓教。兼說別教。

二 阿含時。但說三藏教。

三 方等時。對三藏教半字生滅門。說通別圓教滿字不生不滅門。

四 般若時。帶通別二教權理。正說圓教實理。

五 法華涅槃時。法華開三藏通別之權。唯顯圓教之實。涅槃爲未入實者。廣談常住。又爲末世根鈍。重扶三權。是以追說四教。追泯四教。然此五時有別有通。故須以別定通。攝通入別。方便教觀咸悉不濫。此五時之大略也。

八教者。

一 化法四教。卽釋義之綱目也。

二 化義四教。卽判教之大綱也。兩種四教。合爲八教。

其化法四教維何。

一 三藏教。一切小乘。此教中攝。

二 通教。諸大乘中。通被三乘。

三 別教。諸大乘中。不與小共。獨被菩薩。

四 圓教。諸大乘中。圓融相卽。無礙法門。卽此教攝。

初 三藏教者。此有四門。多明有門。此教明三乘修行得果之相。先聲聞乘。有七賢十聖。

其七賢者。一五停心。二四相念處。三總相念處。此三是外凡。屬順解脫分位。四煖法。五頂法。六忍法。七世第一法。此四是內凡。屬順決擇分位。

其七聖者。一隨信行。二隨法行。三信解。四見得。五身證。六時解脫。七不時解脫。初二並見道。鈍根者名隨信行。利根者名隨法行。鈍根者入修道。名信解。利根者入修道。名見得。此信解見得。一種人。得滅盡定。還名身證。鈍根人得羅漢果。名時解脫。利根人得羅漢果。名不時解脫。雖有七聖。唯是四果。聲聞得果。極速二生。極遲六十劫。緣覺得果。極速四生。極遲百劫。菩薩聲聞二僧祇。亦經百劫。然後菩提樹下成佛。三乘俱斷見思惑。而所觀互各不同。聲聞觀四諦。緣覺觀十二因緣。菩薩修六度。三乘得果。並入無餘。灰身滅智。此教明生滅四諦等法。是界內事教也。

二 通教者。亦有四則。多明空門。此教明三乘共十地。其十地者。一乾慧地。是外凡

位。二憊地。是內凡位。三八人地。四見地。斷三界見惑。證須陀洹果。五薄地。證斯陀含果。六離欲地。證阿那含果。七已辦地。證阿羅漢果。聲聞從初至此。乃至無餘灰斷。八辟支佛地。除習氣入空觀。緣覺至此證果入寂。九菩薩地。是出假位菩薩。至此動逾塵劫。出假利生。道觀雙流。十佛地。菩薩最後身。斷餘殘習。此教明無生四諦等法。是界內理教也。

三 別教者。亦有四門。多用亦有亦空門。此教明五十二位。

一 十信。是外凡位。從假入空。

二 十住。習種性位。初住斷三界見思惑。次之六住。斷三界修惑。後三住。除前惑習氣。並塵沙惑。此位空觀成就。傍習假中。

三 十行。性種性位。正習假觀。傍習中觀。破塵沙惑。

四 十迴向。道種性位。修中道觀。伏無明也。此住行向是內凡位。

五 十地。聖種性。

六 等覺上二並破無明。分證中道。名分聖位。

七 妙覺。極聖位。破無明。方證佛果。此教明無量四諦等法。是界外事教也。

此宗明障總立三惑。一見思惑。二塵沙惑。三無明惑。見思是界內惑。藏通二教所斷。塵沙無明是界外惑。別圓二教所斷。五十二位具伏斷此三惑。圓教六即亦爾。

四圓教者。亦有四門。多約非有非空門。此教立六即位。

一 理即。一切衆生。一念心即如來藏理。此心即具三諦妙理。不可思議。是名理即。
二 名字即。聞上所說一實菩薩。於名字中通達解了。知一切法皆是佛法是爲名字即。

三 觀行即。是五品外凡位。一隨喜。二讀誦。三講說。四兼行六度。五正行六度。圓伏五住煩惱。與別十信齊而復大勝。

四 相似即。是十信內凡位。初信斷三界見惑。次六信斷三界思惑。後三品斷習氣。並界外塵沙。伏無明惑。

五 分真即。是十住行十迴向十地等覺也。於四十一位中。各斷一品無明。各顯一分

中道之理。並八相成消而度衆生。初居實報淨土。亦復分證常寂光淨土。

六 究竟卽。等覺一轉。入於妙覺。斷四十二品微細無明永盡。究竟登涅槃山頂。以虛空爲座。成清淨法身。居上上品常寂光淨土。亦名上上品實報無障礙淨土。此教明無作四諦等法。是更外理教也。以此四教判如來一代大小諸教。莫不窮盡。化法四教。大概如此。

其化儀四教維何。

一 頓教。如華嚴經。

二 漸教。阿含等般若之三時也。

三 祕密教。如來說法。神力自在。對機異說。謂於前四時中。或爲彼人說頓。爲此人說漸等。彼此互不相知。各自得益。故名祕密教。

四 不定教。機解不同。同聽異聞。聞大解小。聞小解大等。然互相知。名不定教。是總名化儀四教也。統而言之。化儀如世藥方。化法如世藥味。當知頓等所用仍屬藏等四味。此八教之大略也。

至半滿分別。喻出大涅槃經。例如此方大學小學也。二藏正化二乘。傍化菩薩。漸誘初學。故如半字。通教正化菩薩。傍化二乘。名爲大乘初門。別教獨菩薩法。圓教純明佛法。故如滿字。此略判也。再細論之。藏通詮真。名爲半字。別圓詮中。名爲滿字。又藏教不能通至別圓。故但是半字。通教能通別圓。是半而含滿。別教須用藏通方便。是滿而帶半。唯圓教始終皆以佛知佛見而爲修行。是滿字法門也。若權實分別。尤爲的確。藏通別二。皆名爲權。唯圓教觀乃名真。就圓觀中。復有三類。一頓。二漸。三不定。爲實施權。則權舍於實。開權顯實。則實融於權。良由衆生根性不一。致使如來巧說不同。故三藏十二部經。權說殆占多數。楞嚴經云。方便有多門。權也。歸元無二性。實也。必明權實的眞義。而後各宗各教。始能會其通。是吾輩所當注意的。此又半滿權實之大略也。

其他百界十如等法。妙旨紛披。難以枚舉。姑不備述。所可異者。台教主張性具法門。謂自性本具善惡等法。方能造十界因果。若非性具。則不能造。他宗專主性善。台宗兼性惡而言。以性惡通於十界。是與他宗迥別處。(按起信論云。心生滅者。依如來藏

故有生滅心。所謂不生不滅。爲生滅和合。非一非異。名爲阿黎耶識。是阿黎耶識。原含有染淨等法。生滅屬染。不生滅屬淨。染屬惡法。淨屬善法。然則台教性具法門。卽指阿黎耶識矣。亦何可異之有。

講台宗者不可不知。茲將源流世系。略圖如左。

北齊慧文——南岳慧思——天台智者——章安灌頂——法華智威——天宮慧威——荆溪玄朗——荆溪湛然

未完

新聞

▲安慶講演地藏經

安慶函云。該處講經會。現請五台山寂光茅蓬。智德大法師。講演地藏經。昨發出通啓云。夫地獄苦報。皆由身口意三業之所招感。自作自受。因果一如。地藏菩薩本願經。於衆生苦果。地獄名相。深切著明。悲願甚大方。今人心陷溺。道德淪亡。生死凡夫。舉足動念。無非是罪。經云。衆生業力甚大。能敵須彌。能深巨海。能障聖道。是故衆生。莫輕小惡。以爲無罪。死後有報。纖毫受之。父子至親。歧路各別。

無肯代受。是知所造惡因。計其感果。必墜惡趣。又云。是罪報人。乃至墜大惡趣。菩薩以方便力。拔出根本業緣。遣悟宿世之事。蓋是大菩薩。爲闍浮提苦衆生。作大證明功德主。地獄未空。誓不成佛。衆生度盡。方證菩提。宜乎三世如來。同讚歎。十方菩薩。共歸依。囑累人天品云。若未來世。有善男子。善女人。見地藏菩薩形像。及聞此經。乃至讀誦。香花飲食衣服珍寶布施供養讚嘆瞻禮。得二十八種利益。天龍護念。乃至畢竟成佛。離一切苦。得涅槃樂。是經功德。廣說不盡。究暢要妙。惟藉導師。今者直隸蔚縣東五台寂光茅蓬。

智德大法師戒德具足。經教宏通。爲縑素所同欽。南北所推重。同人等恭迎到皖。冀結法緣。本菩薩心。重宣如來法要。運廣長舌。普演一乘圓音。若誦若持。各隨類而得解。爲男爲女。咸結袂以偕來。須知人身難得。佛法難聞。道場難遇。善知識難逢。具此數緣。切莫錯過。梵音入耳。歷劫不磨。無息生死之苦輪。同入清涼之佛土。亦我大願地藏菩薩之所懇勸護念者也。是爲啓。

▲長壽縣佛社成立

該縣近年信佛法者甚多。自成渝兩處開辦佛社以來。各外縣紛紛仿效。茲得友人函言。長壽縣亦於本年陰歷六月設立佛社。該縣信士。公舉釋光輝爲社長。李紹堯爲說法堂主任。殷繼夏。廖壽廷爲庶務。李德淵爲文牘。現正仿照渝社章程力圖進行云。

▲說法堂報名踴躍

成都公園佛經流通處說法堂。於七月望日開講首楞嚴經。已迭誌本報。自通告後。赴該處經坊報名領券者。已達百數十人云。

▲講楞嚴緩期一句

佛經流通處說法堂講演楞嚴經。業於十五日開座。茲因講師劉洙源先生。新病初愈。精神欠缺。尚須將養數日。定於七月二十七日繼續開講云。

▲文殊院超度英魂

成都文殊院奉總部命令。於七月中旬建設孟蘭盆會。超度此次前敵戰死將士。作戰各軍現已將陣亡官兵姓名函送該院追薦。以慰英魂。并於十六日夜。在公園外球場設壇放戒云。

△名賢言行△



蓮池大師

(續前)

又問目前。師曰姑依戒次。言訖面西念佛端然而逝。萬曆四十三年七月初四日午時也。師生於嘉靖乙未世壽八十有一。僧臘五十。師目卜寺左嶺下。遂全身塔於此。其

先耦湯氏後師祝髮。建孝義菴爲女叢林主。先一載而化。亦塔於寺外之右山。師得度弟子廣孝等爲最初上首。其及門授戒得度者。不下數千計。在家無與焉。其所著述。除經疏餘雜錄如竹窗三筆等。二十餘種行於世。率皆警發。師素誡弟子貴真修勿顯異。故多靈異不具載。嗚呼。我聞世尊深念末法衆生難度。悲斷慧命。靈山會上求求護正法者。卽親蒙授記亦不敢入。惟地湧之衆力仕之。且曰我等末世持經。當具大忍力大精進力。卽有現身此中。亦不自言其本。泄佛密因。但臨終陰有以示之耳。觀師之行事。潛神密用。安忍精進之力。豈非地湧之一乎。抑自淨土而來乎。不然從凡夫地求自利尙不足。安能廣行利他。護持正法。始終無缺者乎。予有感而來。略拾師之行事以昭來世。其他具諸別傳。乃爲之銘曰。

三毒焰熾。五熱周章。孰能藥石。頓使清涼。慾海橫流。波浪滔天。誰能濟度。駕大法船。惟我大師。實乘願力。放身其中。隨宜調適。蚤斷愛根。如獅脫索。縱出塵勞。便露頭角。開淨土門。張法界網。撈漚二根。其赴如響。以金探鯨。刮翳眼膜。根本不牛。枝葉自落。大治紅爐。慈悲忍力。入此陶鎔。癡狂頓息。毛孔光明。通身手眼。從無用中。法輪常轉。若非付囑。定是地湧。豈屬尋常。具大勇猛。師從空來。亦從空去。雖善藏。雖隱彌露。鐘鼓交參。雲霞綺互。塔彩高標。法身常住。